



**Uunga siunnersuut: Kommunit aqunneqarnerat pillugu Inatsisartut inatsisaat nr. xx, xx. xxx 2017-imeersoq.**

(Kommunit, Nunaqarfinnut, Isorliunerusunut, Attaveqaqatigiinnermut Ineqarnermullu Naalakkersuisoq)  
(Siullermeernea)

Demokraatini isumaqataavugut, pissusissamisoormat allannguutit pisariaqartut inatsimmi ataatsimi eqiterneqarnissaat, attuumassuteqartunut malittarisassat atuuttut paasiuminarsissammata.

Siunnersuut manna aqqutigalugu illoqarfinni nunaqarfinnilu najukkami oqartussaaqataaneq nukittorsarneqassaaq. Illoqarfinni kommunip qitiusumik allaffeqarfiginngisaanni pitsaavoq najukkami ataatsimiititaliaqassammat najukkami soqutigisanik suliaqarfiusinnaasumik aamma kusanarpoq nunaqarfinni aqutsisut annerusunik oqartussaaffilerniarneqarmata. Inuimmi pineqartuni najukkani najugallit pineqarput taakkuli ilisimanerusarpaat suut pisariaqartinnerlugit.

Najukkami qanimut oqartussaaqataanermik nukittorsaaneq Demokraatini kusanarluinnartutut isigaarput.

Aamma Demokraatini iluarisimaarparput siunissami kommunit ataatsimoorlutik toqqaasalissammata Nakkutilliisoqarfinni ilaasortassanik marlunnik. Maannamut KANUKOKA toqqaarsimavoq tamannalu naapertuuppallaarsimanngilaq, Kommuneqarfik Sermersooq kattuffimmut ilaasortaajunnaarnikummat soorlu aamma Kommune Qeqertalik aamma sulii aalajangernikuunngitsoq KANUKOKA-mut ilaasortaassanerlugu ilaasortaassannginnerluniluunniit.

Siunnersuut akuerisassanngorlugu inassutigineqarpoq peqataanillu Inatsisartut Atortitsinnermut Ataatsimiititaliamut innersuunneqarluni.